

yéhuatl: in Élotl, *auh* in in inKetçáltok Içhuatl: *ípan* -tentíuh in Éllotl; *auh* *ámo* ki-çelli, k'ito: “¿*kuix* yéhuatl in oník'-tlan? *kuix* *ámo* Xalxiuítl, *ámo* Ketçalli? *auh* in in xik'-itkíkan;” *auh* *níman* k'itoke in Tlallope: “*ka ye* kualli, x'ok'on-makákan in Xalxiuítl, in Ketçalli, *auh* x'ok on-kuíkan in toXalxiuh, in toKétçal;” *níman* k'on-kuíke, *níman ye* -ui, *níman* k'itoke: “*ka ye* kualli, *ça ok* t'ok'on-tlatiá in toXalxiuh, *ok* -tlaihiyóuic in Toltékatl, *çan tel* nauXiuítl.” = C *auh* *níman ye* -çeuetcí; *auh* *inik* -uetç in Çetl, *çen* Tlánuatl, -políuh in Tonakáyotl, Teukilhuitl in -çeuetc; *auh* *çan* iyoka in Tóllan in -tlatonálman, *mox* -uak: in Kuáuitl, in Nopalli, in Metl, *auh* in Tetl *mox* -xixítin, -tlatlápan Tonaltika; *auh* in *ye* -tlaihiyóuá in Tolteká, in *ye* -apiçmiki, *níman ye* Xoximiki, in *áçok* aka iPlátçin kimo-piellia, *níman ye* kimo-kouia in Totóltçin, *níma ye* mo-tamalhuia, *níman ye* -tlakuá; *auh* Xapoltepekuitlapilko in mo-tlalli: in *ípan* -namaka Illamáton; *níma ye* k'onmo-kouia in Pánitl, *níman ye* -yauh: in *ípan* -míkiç in Téxkatl. = C *auh* in o-áçik in nauhXiuítl in o-mayanke, *níman* mo-teititíke in Tlallope: *ónkan* in Xapoltépek in *ónkan* -ka Atl *níman ye* -ualpanuetç in Xíllotl, in -tlakua kualli, *auh* *ónkan* -ka çe Tlákatl Toltékatl, k'itçtika: *níman ye* k'on-kui in -tlakua kualli, *níman ye* ki-kuákua, *auh* *níman* *ónkan* Átlan -uálkiç çe Tlamakaçki Tlálok, *níman ye* k'-ilkuia: “Maçeuallé tik'-iximati *ik*,” *níman* k'ito in Toltékatl: “*ka* kemaka to Tekoyé, *ka ye* *uekáu*h in tik'to-polhuíke;” *auh* *níman* k'ilhui: “*ka ye* kualli, *ok* ximo-tlalli, *ok* n'içilhui in Tlákatl;” *auh* *yenoçepa* -kállak in Átlan, *auh* *ámo* -uékauato, *níman* *yenoçepa* -uálkiç, in ki-uálitkik Yélotl, çen Malkoxtli; *níman ye* k'ilhui: “Maçeuallé, *iç* -ka, xik'-maka in Uémak; *auh* k'on-ítlaní in Teteo in Toçkuékuex 'Içpox in Mexítin: *ka ok* yehuántin in ki-kuaçcke *ka axi* [borrón] in k'on-kua-tiaç in Toltékatl: *ka ye* -polluiç in Toltékatl, *ka ye* -ónoç in Mexíkatl.” = C *auh* *nexka* in ki-makatíui *ónkan* in Xalxiuhkoliúhian, in Panttlan, *auh* *níman* -ya, ki-nonotçato in Uémak, *yuh* k'ilhui, in *oyuhki*-nauati in Tlálok; *auh* *níma ye* -tlaokoya in Uémak, *níman ye* -xoka, k'itóua: “*anka ye* *yuhki*, *anka ye* -polluiç in Tóllan;” *auh* *níman* kim-oníua, kim-

ontítlan oméntin iTitláuan in ompa Xi'kokok, iToka Xikonkóuatl *íuan* Kuetlaçkóuatl, k'ítlanitó in Mexitin imIçpox, iToka Ketçalxótçin (sic), *ayamo* uei, *ok* Piltçintli; *auh* *níman* on-yáke in ompa Xi'kokok, *níman ye* kim-ilhuia: “*ka* *texallíua* (sic) in Uémak, *ka* k'on-itoá, *ka* omo-teititíke (sic) in Tlallope k'ítlani in imIçpox in Mexiká;” *auh* *níma ye* moçaua nauilhuitl, in ki-neçauillíke in Mexiká; *auh* in ó-tlan nauilhuitl *níman ye* ki-uiká in Panttlan, ki-uíak in iTátçin, *níman ye* ki-miktíâ. — C *auh* *yenoçepa* *ónkan* kimo-'titíke in Tlallope, k'ilhuíke in Toçkuékuex: “Toçkuékuexé, *máka* xi-tlaokoya, *çan* tik-uika in mo'Xpox: xik'-tlapo in m'Iyeteke, *ónkan* ki-uallalíke in iYollo in 'Içpox *íuan* in íxkiç nepápan Tonakáyotl, k'ilhuíke: “*níkan* -ka in ki-kuaçcke in Mexiká, *ka ye* -polluiç in Toltékatl;” *auh* *níman ye* *ik* -uallmixtemi o *níma ye* *ik* -kiyáui, *çenka* -tilláua, nauilhuitl in -kiyáuh, çeçemilhuitl, çeçeyóual *ípan* Atl kuallo: *níma ye* -ixhua in nepápan Kíllitl, in *ye* íxkiç in Xiuítl, in Çákatl; *auh* *çannen* mo-yókoç in -ixhuak in Tonakáyotl. — *auh* *níman* ye -toka (sic) in Toltékatl: in çempoualli, in ompoualli t'açike; *yékuel* -yauáliui, *çan* *kuel* in mo-xíuh in Tonakáyotl; *auh* *iníkuak* mo-xíuh in Tonakáyotl ome Akatl in *ípan* Xiuhtonalli = C *auh* *ípan* çe Tékatl in *ye* -polluiç Toltékatl, *ye* *íkuak* in -kállak in Çinkalko in Uémak: *auh* *níman* çeikteme mo-kuepke *auh* çekintin -yake *inik* *noutyan* -çen-manke.

¶ *auh* *níman ye* -uitçe in Mexiká, *ik* -uallolini

1 Teçkakóatl Uémak	2 Xikonkóuatl	13 Ákatl Xiuítl
3 Kouatlayauhki	4 Kuitlaçkóuatl	

*auh* yehuántin in kin-kauhtiyâ, in -tlapiayâ, nauíntin, in Toka: *inik* çe Tlákatl iToka Kouatlayauhki, *inik* ome iToka Kuitlaçkóuatl, *auh* *inik* ei iToka Xikonkóuatl, *auh* *inik* nauí iToka Teçkakóuatl: yéhuatl in Uémak: *auh* *inik* Tlapixke matlakXiuítl omei *inik* -nenke.

C *auh* *inik* -ualláke in Koluákan in Áçtlan *inik* ualleuáke in Mexitin, ompoualXiuítl onxatolli *ípan* ye Xiuítl. 1 Tékatl.

C *auh* *iç* -katki *inik* -onoka in Xapoltépek in *ok* iMatian in Uitçillíhuitl, ompoualXiuítl in *ónkan* -onoka. 13 Toxtli.

¶ *auh iç* -katki *inik* -onoka in Koluâkan, in Tiçaápan, cempoualXiuítl onmakuilli.

¶ *auh* in o-yâke in Toltekâ in *ipan* çe Tékatl, *çan no ipan in -ualollinke* in Mexikâ in *ompa Xi'kókok*: cempoualXiuítl onkaxtollí omome *inik* on-açikô in Xapoltépek, *auh in ónkan* Xapoltépek -ompoualxiuhtíke; *níman ye* kin-tetla-keuíâ in Kólua, kin-tlakeuato in Xaltokamékatl: *ónkan* itla mo-tekakô in Mexikâ, *yuh k' -ilhuía*: “*çan nikan amotlantçinko ni-kóxiç, ka nexka ni-yáuh*;” *níman ye ónkan ítlán* (sic) -koxi, *onka çan yuhki, inik* ki-piato: *auh níman ye -ualleua* in Koluâ, *nimâ ye ik* ki-namiki, ki-tokatikállak in iXan in Kólua *auh* in Xaltokamékatl, *íuan* Kuauhtitlankalki, *íuan* Akólua, *íuan* Tenayo (sic), *íuan* Açkapotçáalkatl, *íuan* Kuauâkan, *íuan* Maçauakâ, *íuan* Xikipílkatl, *íuan* Matlatçínkatl, *íuan* Okuilitékatl, *íuan* Kuitlauákatl, Xox'milkatl, *auh* okçekíntin *ónkan* -tlapiayâ in Koluâke: *yehuántin* in k'-açíke in Uitçillíhuitl, *nima ye ik* -namoyallô in Mexikâ, in Çíuatl, in Piltçintli; *auh* in okçekíntin m'-akiçke Mexikâ, Tolla mo-tekato in Akokolko -xikuaçemilhuítíke.

¶ *auh iç* -katki *inik* Tláltex -açikô in *nikan* Tenoxtitlan, in *çan ok* Tolla, in *çan ok* Akatla: in *ónkan* -tlaiyouíke ompoualXiuítl onmatlaktli, in *áyak* in Tlá'tokáuh -katka, in *çan ok* m'-ixkauíke in Mexikâ. 51. 2 Kalli. Koluâkan, Tenayókan: *auh nikan* -katki in inTepéual mo-xíuh in Mexikâ: Koluâkan *íuan* Tenayókan *çan okan*.

1 *auh kin onkan*, inin mo-tlá'tokatlalli, in Tlákatl in Akamapixtli, cempoualXiuítl oçe in -tlá'to. 20. 1 Tékatl: Xox'milko, Kuitláuak, Kuauhnuak, Miçkik. — ¶ *auh iç* -katki in iTepéual in ki-péuh Xox'milko, *íuan* Kuitláuak, *íuan* Miçkik, *íuan* Kuauhnuak: *náuhkan* in -tepéuh in Akamápix.

2 *auh iç* -katki *inik* -tlá'to in iPiltçin in Akamapixtli, iToka Uitçillíhuitl, cempoualXiuítl oçe *inik* -tlá'to. 21. 9 Kalli. Xaltókan, Akólman, Otómpan, Xalko, Tçtçkôko, Tollantçinko, Kuauhtitlan, Toltitlan. — *auh iç* -katki in iTepéual mo-xíuh: *xikuépan* in Altepétl in ki-péuh in Uitçillíhuitl.

3 *auh iç* -katki *inik* -tlá'to in iPiltçin in Uitçillíhuitl iToka Ximalpopokátçin: *inik* -katkâ matlakXiuítl *inik* -tlá'tokat.

Xalko, Tekixkiak. 20 Xiuítl. 4 Toxtli. — *auh iç* -katki in iTepéual *ókkán* in Altepétl ki-péuh Ximalpopokátçin.

4 *auh iç* -katki *inik* -tlá'tokat in iPiltçin Akamapixtli, iToka Itçkouátçin, *auh inik* -tlá'tokat matlakXiuítl *ipan* eXiuítl. 13. 1 Tékatl. = *auh içkikan* iTepéual mo-xíuh in Itçkoátçin: Açkapotçalko, Tlakópan, Atlakuiúayan, Koyouâkan, Mixkóuak, Kuauhximálpan, Kuauâkan, Teokalhuiyákan Téspan, Uitçitçillápan, Kuauhnuak, Tetçkôko, Kuauhtitlan, Xox'milko, Kuitláuak, Miçkik, Tlatilolko, Itçtépek, Xiuhtépek, Tçakuálpán, Xalko, Youállan, Tepekuakuilko, Kueçállan.

5 *auh iç* -katki *inik* -tlá'tokat in iPiltçin in Uitçillíhuitl, iToka Ilhuikaminátçin Ueuemoteukçomátçin: *auh inik* -tlá'tokat cempoualXiuítl onxiuknáui in *ik* -katka. 29. 1 Kalli. — *auh iç* -katki in iTepéual mo-xíuh in Ueuemoteukçomátçin: Koaixtlauákan. Xalko, Xikonkiyauhko, Tepóçtlan, Iyauhtépek, Atlatláuhkan, Totollápan, Uaxtépek, Tekpatépek, Youaltépek, Xiuhtépek, Kiyauhteópan, Tlalkoçauhtitlan, Tlaxko, Kuauhnuak, Tepekuakuilko, Kouátlan, Xillotépek, Itçkuinkuitlapilko, Tlapakóyan, Xapolixitla Tlatlahkitépek, Yakapixtlan, Kuauhtoxko, Kuetláxtlan.

6 *auh iç* -katki *inik* -tlá'tokat in imIxhuiuh in oméntin Tlá'toke, in Ueuemoteukçomátçin *íuan* in Itçkouátçin, iToka Axayakátçin: matlakXiuítl omome *inik* -tlá'to. 12. 4 Toxtli. — *auh* in iTepéual *ičkikan* in in Axayakátçin: Tlatilolko, Matlatçinko, Xikipilko, Tçinakantépek, Tlakotépek, Tenantçinko, Xoxiyákan, Teutenanko, Kalli iMáyan, Metépek, Okoyákak, Kapollóak, Atlapolko. Kua.... [falta el fin]...

